

դեցութիւն չկայ: Ժ.—ԺԲ.րդ դարերում
 Բիւզանդական եւ Պոնտական ազդեցու-
 թիւնով Քաղքեղոնիկ (Օրթոգոքս) կղերը
 տարածուած էին Ճորոխի ափերում եւ Բա-
 դրատունի տոհմից շատերը Ափխագիայէն,
 Մինգրելիային եւ Վրաստանին տիրող Բա-
 դրատունիների ազգակիցները եւ հէլլէնա-
 սէրները յարել էին Օրթոգոքս եկեղեցուն եւ
 հովանաւորում էին վիրական կղերին-
 եպիսկոպոսներին, որոնք չկարողանալով
 արհեստաւոր եւ երկրամշակ ժողովրդին՝
 կննդանի եկեղեցին իրենց կրօնին յարեցը-
 նել, տքնել էին տաճարների քարերը, վան-
 քերի խցիկները վրացացրնել՝ արձանա-
 դրութիւնները վրացերէն գրելով: Այս մա-
 սին վէճեր շատ են եղել եւ աշխատաւորու-
 թիւնը միշտ երես է թեքել Օրթոգոքս կղե-
 րից: Ահա այս շրջանում հայերէնից թարգ-
 մանում են վրացերէն շարականներ, ա-
 դոթքներ եւ ուրիշ կրօնական գրքեր վրա-
 ցագէտ հայ վարդապետների ձեռքով,
 որոնք բոլորն էլ տքնել են Ճորոխի Աւա-
 դանի բնակչութիւնը բաժանել ընդհանուր
 հայութիւնից. բայց չի յաջողուել: